

ہفتے آلے مُبارک دیہاڑے حضرت عیسیٰ اک بیمار کی شفاء دینے اُن

14

¹ فر اسرح ہویا کہ کُسے ہفتے آلے مُبارک دیہاڑے حضرت عیسیٰ فریسیاں نے کُسے سردار نے کہہار کھاٹا کھاٹے واسطے گئے وے سن۔ اُتھے لوک اُنہاں کی بھوں غور نال تکٹے سن کہ آج او گے کرسن۔ ² اُس ویلے اُتھے اک ایئے جھیا بندہ وی سی جس نیاں ٹنگاں تے باہواں سُجیاں ویاں سن۔ ³ حضرت عیسیٰ فریسیاں تے شریعت نے عالماں کولوں پُچھیا، ”کیئاں جی، ہفتے آلے مُبارک دیہاڑے کُسے کی شفاء دینا جائز آے یا نی؟“ ⁴ اُنہاں کوئی جواب وی ناں دتا۔ تے فر حضرت عیسیٰ اُس بندے کی ہتھے توں پغڑی کے شفاء دتی تے اُس کی پھیجی شوڑیا۔ ⁵ فر حضرت عیسیٰ اُتھے نے لوکاں کولوں پُچھیا، ”تساں وچ ایئے جھیا کوئی آے وے جس نا کھوتا یا داند ہفتے آلے مُبارک دیہاڑے کھوئے وچ ٹھی جائے، تے اسی اک دم باہر ناں گدھے؟“ ⁶ پر اُنہاں کول اِس گل نا کوئی جواب نی سی۔

مجوانان نی مثال

7 جیہڑے ویلے حضرت عیسیٰ تکیا کہ اچھڑے آلے
مہمانان نی کوشش اے کہ بیہڑے واسطے کوئی چنگی
جہی جغہ ہووے، تے انہاں اے مثال سٹائی، 8 ”جیہڑے
ویلے تُساں کُسے شادی نی دعوت اپر آئے وے ہووو،
تے چنگی چنگی جغہ لہی کرے ناں بیہو، کیئانکہ
ہوئی سکٹا کہ دعوت دیٹے آلے تُساں کولوں کُسے بڑے
بندے کی وی بُلایا ہووے۔ 9 تے میزبان آئی کرے تُساں
کی آخرے، ’ذرا اٹھو اٹھو، تے جغہ انہاں کی دیو۔‘ فر
تُساں شرمندہ ہوئے وے اٹھو، تے کُسے مَعْمُولی جغہ
اپر بیہٹا پئے۔ 10 بلکہ اِس نا اُلٹ تُساں اِسرح کریا کرو
کہ دعوتان وچ جائی کرے مَعْمُولی جغہ بہی جاؤ، تانکہ
میزبان آئی کرے آپوں تُساں کی آخرے، ’اٹھو جی، اگے
اتھے چنگی جغہ آئی کرے بیہی جاؤ۔‘ اِسرح سارے لوکاں
نے سامٹے تُساں نی عَزّت ہوسی۔ 11 کیئانکہ جیہڑا کوئی
اپٹے آپ کی بڑا سمجھٹا اے، اُس نی تَدْلِیل ہوئی اے۔
تے جیہڑا کوئی عاجز بٹنا اے، اُسی عَزّت لبھٹی اے۔“

12 فر حضرت عیسیٰ اپنے میزبان کی مخاطب ہوئی کہ
 آخٹ لغے، ”جیہڑے ویلے دَعوت کرو، تے اپنے سنگیاں،
 رشتے داراں تے امیر گمانڈیاں کی ناں بُلایا کرو۔ کیئانکہ او
 وی تُساں کی دَعوت دیسٹ تے آجراتھے ہی ہوئی جاسی۔
 13 بلکہ اپنی دَعوت وچ غریباں مسکیناں، لنگڑے لولیاں تے
 آنھیاں کی بُلایا کرو۔ 14 اسرح کرنے نال تُساں کی برکت
 لبھسی، کیئانکہ او بیچارے تُساں کی کوئی بدلہ نی دیئی
 سکٹے۔ اس نا آجر اللہ پاک تُساں کی قیامت نرے دیھاڑے
 دیسی جس دیھاڑے او نیک بندیاں کی زندہ کرسی۔“

بڑی دَعوت نی مثال

15 مہماناں وچوں جیہڑے اُتھے بیٹھے وے سٹ
 اک بندے آخیا، ”خوش بخت ان او جیہڑے
 اللہ پاک نی بادشاہی وچ دَعوت کھاسٹ!“
 16 حضرت عیسیٰ اسی اک مثال دسی، ”کُسے بندے
 اک بڑی دَعوت نا انتظام کیتا تے بھوں سارے لوکاں
 کی بُلایا۔ 17 جیہڑے ویلے کھاٹا تیار ہویا تے اُس اپنے

نوکرے کی اے آخٹے واسطے پہیجیا کہ جنہاں لوکاں
کی دَعوت دتی گئی سی او 'اچھو، کھاٹا ہُن تیار آے۔'
18 پر او لوک اچھٹا نی چاہٹے سن۔ انہاں ساریاں کُجھ نا
کُجھ بہانہ کیتا۔ اکرے آخیا، 'میں کُجھ زیمی خریدی
اے، اے ضروری اے کہ میں جائی کے اُسی تکان۔

اِس واسطے مہرباٹی کری کے مکی معاف کرو۔'

19 دُوئے آخیا، 'میں داندان نیاں پنج جوڑیاں

کہندیاں اُن، تے انہاں کی آزماٹا آے۔ اِس

واسطے مہرباٹی کری کے مکی مُعاف کرو۔'

20 تریئے آخیا، 'میں آج ہی بیاہ

کیتا، اِس واسطے ناں آئی سکٹا۔'

21 نوکرے آئی کے اے ساریاں گلاں اپٹے مالکے کی

دسیاں، تے مالک بہوں خفا ہویا۔ اُس اپٹے نوکرے

کی آخیا، 'فٹا فٹ جائی کے شہر نے بازاراں تے

گلیاں کُچیاں وچوں جیہڑا کوئی غریب مسکین

لنگڑا لولا، انا کاٹا ہووے، اُسی بُلائی کے ہٹی اُن۔'

22 تھوڑی دیر بعد نوکرے اچھی کے مالکے کی
 آخیا، 'جَناب، جس طرح تُساں آخیا، سارا کُجھ
 اُسے طرح کیتا اے، پر ہُن وی گنجائش اے وے۔'
 23 مالکے نوکرے کی فرِ آخیا، ”شہر تُوں باہر باڑیاں
 تے بنیاں اپر جائی کے جیہڑا کوئی نظر اچھٹا اے،
 اُسی پُرزور طریقے نال آخیں کہ 'دعوت وچ اچھو،
 تانکہ مہاڑا کہار پھرُن جائے۔ 24 میں تُساں کی دسی
 شوڑاں، جنہاں کی پہلے دَعوت دتی گئی سی، اُنہاں
 وچوں کوئی اک گراہ وی نی چکھی سکسی۔“

حضرت عیسیٰ نا پیروکار ہوئے نی شرط

25 اک واری بہوں سارے لوک حضرت عیسیٰ نے پچھے
 پچھے پئے جائے سن۔ اُنہاں پچھے مڑی کے لوکاں
 کی آخیا، 26 ”جیہڑا کوئی مہاڑے نال اچھے، پر اپئے
 ماؤ پیو، بیوی بچیاں، پہیٹاں پہراواں تے اپنی جان
 کولوں ودھی کے مہاڑے نال محبت ناں کرے، او
 مہاڑا پیروکار نی ہوئی سکٹا۔ 27 جیہڑا کوئی اپنی جان

نی قُربانی دیٹے واسطے تیار ہوئی کے مہاڑی پیروی
 ناں کرے، او وی اِس قابل نی کہ مہاڑا پیروکار بٹے۔
 28 کیئانکہ اگر تُساں وچوں کوئی بندہ مینار بٹانا چاہٹا
 ہووے، تے گے او پہلے بیہی کے خَرچے نا اندازہ ناں
 لاسی؟ تانکہ اُسی پتہ لغے کہ اُسی مُکمل کرنے واسطے
 اُس کول رقم پُوری آے وے یا ناں؟ 29 گدے او اِسرَح
 ناں کرے، تے بُنیاداں کھٹنے تُوں بعد او گمے کی
 مُکمل ناں کری سکسی، تے سارے تکٹے آلے اُس نال
 مَخول کری کے آخسٹ، 30 'واہ واہ! چنگا بندہ آے! مینار
 بٹانا شروع کیتاس، پر گم آدھے وچ ہی سٹی شوڑیاس!
 31 یا فِر فرض کرو گدے کوئی بادشاہ گسے دُوئے بادشاہ
 نال جَنگ کرنے آلا ہووے، تے پہلے او اپٹے مشیراں نال
 صلاح مشورہ ناں گرسی کہ اُس نے دس ہزار سپاہی دُشمنٹ
 نے وی ہزار سپاہیاں نال مُقابلہ کری سکسٹ یا ناں؟ 32 تے
 گدے او سَمجھے کہ او دُوئے بادشاہ کی شکست ناں
 دیئی سکسی، تے اِس تُوں پہلے کہ دُشمنٹ اُس کول
 پُہچٹے او اپٹے نمائندے اِس واسطے ناں پھیجسی کہ صلح

ہوئی جائے؟³³ اسے طرح تِساں وچوں جیہڑا کوئی اپنا سب
کُجھ چھوڑی ناں دے، او مہاڑا پیروکار نی ہوئی سکٹا۔“

بے ذائقہ لُون نی مسال

34 ”لُون کتنی چنگی چیز آے! پر سوچو، جے گدے
اُس نا ذائقہ ختم ہوئی جائے، تے اُسی دُوئی واری
ذائقے دار کِسرح کیتا جاسی؟³⁵ اِسرح تے ناں او مٹی
نے کم اچھسی، ناں ہیل نے طور اپر وی استعمال
ہوئی سکسی۔ لوک اُسی چائی کے باہر سٹسٹ۔
جیہڑا کوئی سمجھنا چاہتا آے،
تے مہاڑیاں گلاں غور ناں سٹے۔“

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر
کیتا۔ اسان نا دلی مقصد اے کہ اس پیغام کی پھیلا یا جائے۔
اسان خوشی نال عیسیٰ المسیح نے بارے وچ تسان نال گل
کرساں، یا تسان نال دُعا کرساں، یا تسان نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>